

## HOMEKEN HLAN DEVI KLISTI TON LE

Owalo Aposteli Le Ton 19:21-41; Matiu 10:16-28; Luku 21:12-19

NUPINPLON 346 – Na Mewinyanwinyan Le

**Nupinplon Do Tame: "Ye na gbewanna mi gbom gbeto lepo de na oyin sie ton wutu: sigba mehe sinyenlin kakaje podo we ye na whlengan" (Matiu 10:22).**

### Na Okluno

Eyin Okluno don wiwa Eton do godo, ye mehe yin wehomevi segebe ton to egbe he le, na tindo azon nado wa kededi otovi, eya medele tle to linlen ga gbom azon he ye na wa to nukonme dali. Eyin bibasi na mi nado sinyan azon he nko mi na wa nado yin nuzinza to azon Okluno ton me. Susu to sunnu le me podo to yonnu le me he ko jo apadopo to ojle yeton le me na azon Okluno ton, we ye ko plon oplon na azon nududu egbeso yeton ton. Medele ko so yi azon helo do basi azon nududu egbeso yeton ton. Whenuena Okluno ylo ye nado wa wazon na En, ome susu we ye ko ylo do azon dopolo kon he ye ko no wa dai. Medele to vude zan to ojle yeton le me, talenti, po oyonen he ye tindo le po whenuena tenme lo hundai, sigba medele tindo tenme nado jo ojle yeton lepo na azon Okluno ton.

Whenuena mewinyanwinyan le na jlo nado de azon he ye na wa, be e ma ka na yin homevivi na Okluno eyin ye sinyan azon he ye nado yin nuzinza to azon Okluno ton me? Eyin mede to Jihweyewehe din bo so to sinsen En, ome mo nko na tindo wanyi nado wa nude na Okluno. Eyin mede yiwanna Jihweyewehe, e na yin ojlo ayiha eton me ton nado yi son ojle eton le me, talenti, kavi oyonen eton na azon Okluno ton.

### Ayawato Fataka Ton

Anazonwato le tin to Efesu, he no yi onu akugegenu aigba me ton alopalopa do basi asodonu po onu devo le po he yon na zinza, sigba ye ma jo ogbezana yeton na Okluno, mo wazon na En gba. Le ye nado wamo, satani we ye to azonwana, na apajle bosio vodun ton we ye to bibasi. Demetliu, yin yawato fataka ton to Efesu. E je na en nado no basi onuhe yon na zinza le, sigba apajle bosio ton we e no basi, na gbom mowiwa dali ewo na mo aku susu yi. E ma yin kiki do e to azonwa na satani to ali le nko ji kedede gba, sigba e so hen tukla pla yisen le ga.

Whenuena Paulu to yewehó Wéndagbe ton lá to Efesu, Demetliu hen wluwlu wa ai me. E ylo opli ye mehe yin yawato fataka ton lepo he no basi apajle bosio ton le. E doho he oható eton anawato le, e flinnu ye do dogbon apajle bosio vodun ton bibasi dali dole we ye do lezun adokunno. Demetliu do na ye do ye ko mo bo ko so se le Paulu to yewehó do na gbeto le do. Ome susu he tin to Efesu le po ofidevo le po to Asia we ko yi Wéndagbe se bo ma so sen vodun ba gba. Owhelehe me titege Demetliu ton we yin do azon yeton le na gble. Eyin gbeto le doalote nado no sen vodun bosio pipa ton le, ye ma to azon na mowa ba gba. Gbigbo sejannabi ton kedede we hen Demetliu nado hen wluwlu wa gbeto le sen sen. Devo dogo, e plonnu gbeto le nado yin nugbono hlan sinsen yeton na ye ni ma do gbe templi vodun yeton ton dai blo, bo e nasó holi ai.

### Nugbo

Demetliu dekunnu na azon po yewehó Paulu ton po to ohó he e do na anazonwato hele me. Eya e ma tle tindo e to ayiha me nado wamo gba, e yigbe do Wéndagbe to nukonyi, na: "ome susu" we e to ayiha di do na bo ye so lezun yisen. Kededi ohó he Demetliu do, Paulu ko do dai do: "onuhe ye yi alo do basi le ma yin yewehe de gba". Nugbo we Paulu do. Na e do yewehó nugbo ton, mehe yise le je medekannu son yise onuvó ton me. Nugbo we no hen gbeto je medekannu.

Jesu do na Ju he yi I se le domo: "eyin miwle note to ohó sie me, whenenu miwle yin nuplonto sie nugbo; miwle na so yon nugbo, nugbo lo nasó hen mi je medekannu" (Johanu 8:31,32).

Mehe tuntoai hlan ohó Demetliu ton le ma jlo nugbo somo bo ye na ko do jo sinsen lalo ton po oklo ton po dai, bo ye niso gbe azon bosio pipa ton dai. Menu we na jlo sen yewehe he hunko ma so gan whla templi eton?

## Wluwlu

Ohó Demetliu tòn helò hèn fatakazónwàtò neḷe lò gó na homẹgble. Po ahwá po po homẹgble po wẹ yé do gbakija to opli lò mẹ. To madenmẹ, yé ko hèn otò lò lẹpo wlu. Avùn tòhome tòn sọ pé ai mẹ, gbẹtọ lẹ lò sọ wle Gaiu po Alistaku po, ogbẹ Paulu tòn lẹ. Gbẹtọ lẹ lò sọ yí ayiha dopo do hòbiọ aihúnhòmẹ, ohò opli tòn na otò lò. Pòn le wluwlu lò sù sọ! Mèdelẹ to núde dọ! mèdevolẹ sọ to onúdevo dọ! sùsù to gbẹtọ lẹ lò mẹ wẹ ma tẹ yón núhe wutu gbẹtọ lẹ do plidopọ gba. Yé ma yón núhe jọ lọ, şigba yé wá nado pónnu.

Gbẹtọ tuklanọ he lẹ yí homẹgble do wle yisenọ awe helẹ, to linḷen mẹ nado dóya na yé. Matin ayiawe, yé to jijlo nado dobuna núplòntọ Jesu tòn lẹ na yé nido tòn sòn otò lò mẹ, bo ma sọ dọ yẹwhehó ba blo.

## Owanyi Na Mẹmẹsunnu Lẹ

Paulu jló nado biọ gbẹtọ lẹ lọ şenşen nado basi alọgọ na hontón etón he tin to tukla mẹ lẹ. Núplòntọ he pò lẹ po ogán gbẹtọ lẹ tòn lẹ po to Azia, he yín hontón Paulu tòn lẹ, ma dike na Paulu nado biọ aihúndatẹnme lọ yí na atẹşitọ neḷe ni ma do doalọ ewlọsu go blo. To awugble şenşen, obú ma di Paulu nado dohia gbẹtọ lẹ dọ yisenọ wẹ ewọ yín gba. E ma dibú nado tòn yí dè mèmẹsunnu etón lẹ dlante gba, na e yiwanna yé. Jesu dọmọ eyín omẹde tindo owanyi hlan mèmẹsunnu lẹ, ehelọ dohia dọ nuplòntọ Jesu tòn wẹ omẹlọ yín. E dọmọ: "gbọn ehe dali wẹ gbẹtọ lẹpo na yonẹn dọ núplòntọ şie wẹ mì, eyín miwle tindo owanyi hlan minọzo" (Johanu 13:35).

Alẹksandlé tòn yí nukon na gbẹtọ sùsù lẹ lọ na e nido gọalọna núplòntọ awe he yè wle lẹ. E miáló hlan yé nado hèn yé doalọte na ewọ nido sọgan dọhó. Mí flin dọ Efesunu lẹ yín kosi. Whenuena yé pón hlan dọ Jù de wẹ Alẹksandle yín, yé ma jlo na sè etón gba. Yé şẹ nado to ahwádo na ogánhiho awe nkọ, yé to obóbó pipà tòn dó hlan vodun yetón he ma nọ setonu bo ma sọ sọgan gọalọname lẹ.

## Aliho Nado Hòngan

Jihwéyẹwhe to onúhe to jijọ lẹpo pón. E ma sọ dike na danúwàtọ helẹ ni gbleawuna nuplòntọ Etón lẹ gba. E na tẹnme homẹken lọ nado nọmọ; e sọ dèali nado hòngan dai na omẹ Etón lẹ. Gbọnvo na danuwàtọ he to ahwádo helẹ tòn po vodúnsèntọ helẹ po, omẹ Jihwéyẹwhe tòn lẹ tin to otùjai po abọeninọ po mẹ. Yé dotudo Jihwéyẹwhe he nọ gọalọna omẹ Etón lẹ to wheponu go.

Owékantọ otò tòn, ewọ mẹhe go yè ma yón núde do dọ núplòntọ Jesu tòn wẹ ewọ, dọho hẹ tomẹnu etón lẹ. E dọmọ gbẹtọ lẹpo wẹ yonẹn dọ efesunu lẹ wẹ yín sinsèntọ boşio he jẹte sòn Jupiteli de wá ai mẹ (otànvọ he gbẹtọ lẹ lọ yise de wẹ ehe). E plonnu omẹ helẹ nado nabọe whí, na yé ni ma "yí sọmahwe do wà onú de blo". Eyín Ohó osẹn tòn wá ai mẹ, owheđọhọsa tin fiņe nado gbà owheho he yé hèn wá nukon yetón mẹ pón. Eyín Demetliu po fatakazónwàtọ he pò lẹ po tindo owheho de hlan núplòntọ Jesu tòn lẹ dali, gbọ na yé ni yí, bo jẹwhe yetón na otógán lẹ. Şigba owekantọ otò tòn dọmọ núplòntọ Klisti tòn helẹ ma jẹajo do sinsènhọ mọ bo ma sọ dọhó ylankan de do vodún go gba. Yé ma wá núde jẹago do osẹn go gba. Gbẹtọ ylankan helẹ ko sọ wlé yé jẹago do osẹn go yé bo sọ hèn wluwlu wá ai mẹ matin owheho titegbe de. Owékantọ otò tòn sọ kija gbẹtọ lẹ lọ dọ na ogán lẹ ni ma do wá kàn onuhe hèn tukla he lẹpo wá biọ yé blo.

## Homẹken

Otẹn tẹ nkọ mẹ wẹ ayiha nuplòntọ lẹ tòn na te dogbọn onú he jọ helọ tòn dali? Be yé na mọ yise yetón na yé mọ homẹken vude wutu? Matin ayiawe, ehelọ fón yise yetón daga. Yé dotudo Jihwéyẹwhe go, e bo sọ whḷen yé. Eya yéwulọsu ga tindo ayiha dopolọ po núplòntọ lẹ po, yé mẹhe yè zédlan ogánhómẹ na Klisti tòn wutu, şigba bọ "yé sọ jihàn pipa tòn hlan Jihwéyẹwhe" to ozánhómẹ (Owalọ Apósteli lẹ tòn 16:25), podọ kẹdedile Apósteli lẹ to ayajẹ do "na yè len yé jẹ nado jiya na oyín Etón wutu" (Owalọ Apósteli lẹ tòn 5:41). Nugbo nugbo gbẹtọ helẹ ma lẹkọ sòn Oklunọ godo gba. Mí mọ dọ yè ylọ oyín yetón to owewinwlan Paulu tòn lẹpo mẹ.

## Awuwledai

Jesu wleawu ayiha nuplontò eton lẹ ọn dai nado doakonna nukunbibia. E ko na yé avase dai do le yè gbèwanna Ẹn do mọkẹdẹ ga wẹ yè na sọ gbèwanna mēhe yín nuplontò emi ọn lẹ do; eyín yè sọ dóhomẹkẹn Ẹn, mọga wẹ yè na sọ dóhomẹkẹn yé do (Pón Johanu 15:18-20).

Nuplontò Jesu ọn lẹ yonẹn do homẹkẹn sọgan wá yé ji to whedepopenu, ẹgba Jihwéyewhe ko yí jijoho po wanyi de po do ayiha yeton mẹ, ehe na hen yé doakonna. Mọwẹ, yé tẹ sọ to opédo na ehelo lẹpo. Yè ko do na Paulu dai do e na jiya sùsù gbọn alọ ohlònhùtò lẹ ọn mẹ. Sọgan le e to oyaji, ehelo wẹ onúhe e to didọ: "Eyín Jihwéyewhe tin na mí, mẹnụ wẹ tin agọ do mí go?" (Lomunu lẹ 8:31). Paulu dọmọ núde matin he sọgan klan emi sọn owanyi daho Jihwéyewhe ọn go to Klisti Jesu mẹ gba. E yí do oyajiji de ma tin he sù hùgan na emi nado hen ẹn ma nado "dùale Klisti ọn". E dọmọ: "Na yẹn nido yonẹn po huhlón fónsónkú Eton ọn po, podọ kọndopọ oya Eton ọn, whenuena yẹn kọnawúdopọ do okú Eton mẹ; eyín gbọn alọ depope mẹ yẹn nido jẹ fónsónkú mēhe kú lẹ ọn mẹ" (Filippinu lẹ 3:10,11). Paulu jlo na tin to awuwlemẹ na fónsónkú tintan, na e nido yín awhàngbatọ gigó, e wleawu nado jiya.

## Opagbe

Opagbe sùsù wẹ yè dó na mēhe go yè to homẹkẹndo na dódó ọn wutu lẹ. Oklunọ ko dopagbe nado nọhẹ yé. Gbigbo Wiwe wẹ na do na yé gbọn onúhe yé na do ọn dali whenuena yè na hen yé wá otògan lẹ nukon. "Enẹwutu mi dotana ẹn to ayiha míton mẹ, nado dówe dai dote, onúhe mi na gblon ọn blo".

Mēhe jiya na dódó ọn wutu lẹ na yín ogán to Ahóludù Klisti ọn mẹ. "Nugbo wẹ ohó lọ: na eyín mí zùn oşio hẹ Ẹ, mí na nọgbẹ hẹ Ẹ ga. Eyín mí jiya, mí na dùahọlu hẹ Ẹ ga: eyín mí mọn Ẹn, Ewọ nasọ mọn mí ga" (2 Timoti 2:11,12). Ofide to Owé Wiwé mẹ he do dogbọn omẹ donanọ lẹ ọn dali dọhó gbọn homẹkẹn dali: "Donanọ wẹ yé he yè to homẹkẹndo na dódó wutu lẹ; na yeton wẹ ahóludù Olon ọn. Donanọ wẹ miwle, whenuena gbẹtọ lẹ na to vivle mi ko, bo to homẹkẹndo mi, bo sọ to oylan hùnkòhùnkò do do mi go to lalo mẹ, na ẹie wutu. Mi ni jaya, na mi nisọ to ayajẹ sùsù; na ale míton wẹ daho to Olon mẹ: na mọkẹdẹ wẹ yè dóhomẹkẹn yewhegán he ko tin jenukonna mi lẹ" (Matu 5:10-12).

To egbé he, omẹ Jihwéyewhe ọn lẹ nọ yawu mọ homẹkẹn. To otò míton mẹ, e sọgan yín wiwà nado jẹwhẹ míton to lalo mẹ, kavi klan mí sọn hẹnumẹ míton lẹ go, kavi zán owalọ masogbe do mí go. To otò devo lẹ mẹ, e sọgan yín owheho okú ọn kavi ogbẹ ọn. Depope he e yín, míton wẹ nado yí homẹfa do yi i, to tódido helọ mẹ do mí sọgan yín núgbonọ hlan Klisti podọ hlan aliho Eton. Mí ko ẹ nado nọ nọ ogbẹzán míton mẹ na Klisti mọwẹ yè nasọ hen mí biọ Olon mẹ eyín mí yín nugbonọ. "Yè na gbèwanna mi gbọn gbẹtọ lẹpo de na oyín ẹie ọn wutu: ẹgba mēhe sinyenlin kakajẹ pòdo wẹ yè na whlengan" (Matu 10:22).

## OKANBIỌ LẸ

1. Mẹnụ wẹ Demẹtliu yín?
2. Nawẹ e zán talenti eton do?
3. Etẹwutu wẹ otù eton ma jai whenuena e sè yewhehó Paulu ọn?
4. Etẹwutu wẹ yè do wle honton Paulu ọn lẹ?
5. Nawẹ yè dè yé dlante do?
6. Etẹwẹ homẹkẹn?
7. Aliho tẹ ji wẹ yè sọgan do dohomẹkẹn nuplontò Klisti ọn lẹ to egbé he?
8. Etẹwẹ jẹ gbẹtọ ni wà whenuena yè do homẹkẹn ẹn?
9. Opagbe tẹ wẹ yè do na mēhe go yè to homẹkẹn do lẹ?
10. Opagbe tẹ wẹ yè do na mēhe doakonna kakajẹ opòdo?